



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Gli Statvti Della Sacra Religione Di S. Gio: Gierosolimitano**

**Bosio, Giacomo**

**Roma, 1597**

Bvlla S. D. N. D. Clementis Papae. VIII. Confirmationis Privilegiorvm  
Religionis Sancti Ioannis Hierosolymitani. Clemens Papa VIII. Ad futuram  
rei memoriam.

**urn:nbn:de:hbz:466:1-10742**

B V L L A  
MI  
S. D. N. D. CLEMENTIS

P A P A E . VIII.  
C O N F I R M A T I O N I S  
P R I V I L E G I O R V M R E L I G I O N I S

Sancti Ioannis Hierosolymitani.

CLEMENS Papa VIII. Ad futuram rei memoriam.



ASTORIS æterni vices  
in terris, quãquam immeriti,  
gerentes, curis vigilamus  
assiduis, studijsq; nitimur  
indefessis, vt ea, quæ à Ro-  
manis Pontificibus Præde-  
cessoribus nostris in fauo-  
rem Ecclesiasticarum Per-  
sonarum, & præsertim Re-  
gularium pro Fidei Catho-  
licæ aduersus Christi nomi-  
nis Hostes defensione, & præ-  
pagatione iugiter laboranti-  
um provide emanarunt, illibata,  
& firma perpetuo remaneant.  
Cum itaque sicut accepimus  
alias fel. record. Leo Decimus,  
Clemens VII. Paulus III. Pius IIII.  
& Pius V. Romani Pontifices  
Prædecessores nostri inter alia  
Priuilegia, & Indulta dilectis  
Filijs Magistro, & Conuentui  
Hospitalis Sancti Ioannis Hiero-  
solymitan. à Sede Apostolica  
concessa, eundem, & pro tempore  
existentem Magistrum, Ba-  
iulios, Castellanum Empostæ  
Priores, Præceptores, Mili-  
tes, Familiares, aliasq; Personas  
Hospitalis huiusmodi, nec  
non

B V L L A

M



non eorum Subditos, Vassallos, Colonos, & Seruitores, & alios in eorum obsequijs, & dicti Hospitalis Beneficijs quomodolibet nuncupatis existen. etiam Presbyteros curam Animarum exercentes, quandiu illam exercent, & in illorum obsequijs forent, illorumq; Animalia, Prædia, Domos, Molendina, & Bona quæcunque, quæ obtinebant, ac in posterum obtinerent, & possiderent, à solutione, & exactione Decimarum, Censuum, Iurium, etiam Synodaliũ, & canonicarum Portionum, seu Charitatiui Subsidij, aut Lucundi aduentus, seu Quartæ, aut aliàs quomodolibet, aut aliorum quorumcunque onerum sub certis modo, & forma exemerint, & liberauerint; prout in diuersis ipsorum Prædecessorum desuper confectis Literis plenius continetur. Et licet ipsi Milites, & aliæ Personæ prædictæ non debuissent à quoquam contra dictorum Priuilegiõrum tenorem, & formam molestari, perturbari, vel inquietari, cum ipsi non modo eorum facultatibus, & fortunis, verum etiam sanguini, & vitæ pro tuitione Fidei Catholicæ non parcant; Nihilominus cum diuersi locorum Ordinarij, & Parochialium Ecclesiarum Rectores, & multæ Capitulares Personæ, id sibi omnino iuxta Sacri Concilij Tridentini Decreta licere, asserentes, eosdem Magistrum, Baiulios, Castellanum Empostæ, Priores, Præceptores, Milites, & Personas diuersis oneribus contra eorum Priuilegia prægrauarent, illosq; ad Decimas, Censuum, Subsidia etiam Charitatiua, congruas Portiones, Lucundum aduentum, Pastor bonus, aut aliàs nuncupata onera, etiam Iura Synodalia cogere præsumerent, in graue ipsius Hospitalis detrimentum, & grauamen, fel. record. Gregorius Decimus tertius, Sixtus Quintus, & Gregorius Decimus quartus, similiter Prædecessores nostri ex certa scientia, ac Apostolicæ potestatis plenitudine, omnia & singula Priuilegia, Indulta, Facultates, Exemptiones, Immunitates, Libertates, & aliàs gratias eisdem Magistro, & Conuentui quomodolibet concessa confirmantes, approbantes, ac innouantes; eos super præmissis quomodolibet molesta-

Vid. & dicitur  
quod  
huius Ordinis  
Beneficia per  
Magistrum, &  
Conuentum  
etiam, quoniam  
post morte Pol  
est unum.  
Excedunt  
Priuilegia eius  
ad Conuentum  
& Donos.



ri, inquietari, ac perturbari districtius prohibuerunt; Et præterea cum inter alia foel. record. Pius Papa Quartus Prædecessor noster eidem Magistro, & Conuentui inter cætera Priuilegia, Prioratus, Baiuliuatus, Castellaniam Empostæ, Commendas, & alia eiusdem Hospitalis Beneficia libere vniendi, & dismembrandi facultatem concessisset; Et nihilominus à quibusdam quandoque dubitaretur, an ante, vel post mortem Possessorum vniõ, seu dismembratio ipsa fieri posset, ac deberet; Idem Gregorius Decimus quartus, ad tollendum omne dubium, & ambiguitatem, quæ in præmissis in futurum oriri poterant; vt quandoquæ eis videretur, siue ante, siue post mortem Possessorum, Prioratus, Baiuliuatus, Castellaniam Empostæ, ac alia eiusdem Ordinis Beneficia vniere, & dismembrare libere, & licite possent, & valerent: Necnon vt omnia, & singula Priuilegia, & exemptiones præfatas, etiam ad Confratres, & Donatos eiusdem Hospitalis extendi deberent, decreuit, & declarauit; prout in eorundem Prædecessorum Literis plenius continetur. Nos itaque attendentes præclara eiusdem Hospitalis erga Fidem Catholicam, & Sedem Apostolicam promerita, ac cupientes, vt ipsa Priuilegia, exemptiones, & gratiæ eo firmiter subsistant, quo sæpius ab eadem Sede confirmata extiterint, Cardinalem Magnum Magistrum, Priores, Baiuliuos, Castellatum Empostæ, Præceptores, Milites, & Fratres, ac eorum singulos, singularesq; dicti Hospitalis Personas à quibusuis excommunicationis, suspensionis, & interdicti, alijsq; Ecclesiasticis sententijs, censuris, & pœnis à iure, vel ab homine quauis occasione, vel causa latis, si quibus quomodolibet innodati existunt, ad effectum præsentium duntaxat consequendum, harum serie absoluentes, & absolutos fore censentes; necnō omnium, & singulorum Priuilegiorum, Indulgentiarum, Facultatum, Exemptionum, Immunitatum, Libertatum, & gratiarum per prædictos, & alios quoscunq; Romanos Põtifices Prædecessores nostros, ac Sedem Apostolicam, Hospitali prædicto, illiusq; Magistro, Conuentui, & Fratribus Militi-

Vniri, & dismembrari possunt huius Ordinis Beneficia per Magistrum, & Conuentum, tã ante, quam post mortem Possessorum.

Extenduntur Priuilegia etiã ad Confratres, & Donatos.



93

litibus, alijsq; Personis præfatis hærentis concessorum, ac  
Literarum desuper confectarum tenores præsentibus pro  
expressis habentes, Motu proprio non ad Cardinalis Ma-  
gini Magistri, & Conuentus Hospitalis huiusmodi, aut a-  
licuius alterius super hoc pro eis nobis oblatae petitionis in-  
stantiam, sed ex certa scientia, & de mera nostra liberalita-  
te, ac Apostolicæ potestatis plenitudine, omnia, & singula  
Priuilegia, Indulta, Facultates, exemptiones, immunita-  
tes, libertates, & alias gratias eisdem Magistro, & Conuē-  
tui quomodolibet concessa, Apostolica auctoritate, tenore  
præsentium confirmamus, & approbamus; illisq; perpe-  
tuæ, & inuiolabilis firmitatis robur adijcimus; ac omnes,  
& singulos tam iuris, quàm facti defectus, si qui forsan in-  
terucherint in eisdem supplemus. Decernentes præsentis  
Literas nullo vnquam tempore de subreptionis, vel ob-  
reptionis vitio, aut intentionis nostræ, vel quopiam alio  
defectu, etiam ex eo quòd locorum Ordinarij vocati non  
fuerint, notari, impugnari, vel inuolidari minime posse,  
minusq; sub quibuscunque similibus, vel dissimilibus gra-  
tiarum reuocationibus, limitationibus, restrictionibus, &  
derogationibus comprehendisse, sed semper ab illis ex-  
ceptas, & quoties illæ emanabunt, toties in pristinum sta-  
tum restitutas, repositas, & plenarie reintegratas esse: Sicq;  
ab omnibus censeri, & ita per quoscunque Iudices, & Com-  
missarios quauis auctoritate fungentes, etiam Causarum  
Palatii Apostolici Auditores, ac Sanctæ Romanæ Ecclesiæ  
Cardinales, Sublata eis, & eorum cuilibet quauis aliter iu-  
dicandi, & interpretandi facultate, & auctoritate iudica-  
ri, & definiri debere; ac irritum, & inane si secus super  
his à quoquam quauis auctoritate scienter, vel ignoranter  
contigerit attentari. Quocirca dilectis Filijs in Regnis Hi-  
spaniarum, & Neapolitan. nostris, & Sedis Apostolicæ pro  
tempore existentibus Nuncijs, aut Curiaë causarum Came-  
ræ Apostolicæ generali Auditori per præsentis Motu simili  
mandamus, quatenus ipsi, vel duo, aut vnus eorum per  
se, vel alium, seu alios præsentis Literas, & in eis contenta



quæcunque vbi, & quando opus fuerit, ac quoties pro parte eorundem Cardinalis Magni Magistri, & Conuentus fuerint requisiti solemniter publicantes, eisq; in præmissis efficacis defensionis præsidio assistentes, faciant auctoritate nostra eosdem Magistrum, & Conuentum confirmatione, approbatione, decreto, & aliis præmissis pacifice vti, frui, & gaudere, non permittentes eos per Ordinarios prædictos, aut quoscunque alios contra præsentium tenorem quomodolibet molestari, perturbari, aut inquietari. Contradictores quoslibet, & Rebelles per sententias, censuras, & pœnas Ecclesiasticas appellatione postposita compescendo, ac legitimis super his habendis seruatis processibus, sententias, censuras, & pœnas huiusmodi incurrisse declarando, illasq; etiam iteratis vicibus aggrauando, interdictũq; Ecclesiasticum apponen. inuocato etiam ad hoc si opus fuerit auxilio Brachij sæcularis. Non obstantibus piæ mem. Bonifacij Papæ VII. etiam Prædecessoris nostri de vna, & Concilij generalis de duabus dietis, dummodo ultra tres dietas aliquis auctoritate præsentium ad Iudicium non extrahatur, ac alijs quibusuis Apostolicis, nec non in Prouincialibus, & Synodalibus Concilijs editis specialibus, vel generalibus Constitutionibus, & Ordinationibus, necnon Iuramento, confirmatione Apostolica, vel quauis firmitate alia roboratis, Statutis, & Consuetudinibus, Priuilegijs quoq; Indultis, & Literis Apostolicis quibusuis Personis, etiam præfatis locorum Ordinarijs sub quibuscunque tenoribus, & formis, ac eum quibusuis etiam derogatorijs derogatorijs, alijsq; efficacioribus, & insolitis clausulis, irritantibusq; & alijs Decretis, etiam Motu & scientia similibus, etiam consistorialiter, & de Fratrum nostrorum consilio in contrarium quomodolibet concessis, confirmatis, approbatis, & in nouatis. Quibus omnibus etiam si de illis, eorumq; totis tenoribus, specialis, specifica, expressa, & indiuidua mentio, seu quæuis alia expressio habenda, aut aliqua alia forma ad hoc seruanda foret, illorum tenores, ac si

de



92

de verbo ad verbum inserti forent, presentibus pro sufficienter expressis, & insertis habentes, illis alias in suo robore permansuris, hac vice duntaxat specialiter, & expresse derogamus, contrarijs quibuscunque. Aut si aliquibus communiter vel diuisim ab eadem sit Sede indultum, quod interdici, suspendi, vel excommunicari non possint per Litteras Apostolicas, non facientes plenam, & expressam, ac de verbo ad verbum de Indulto huiusmodi mentionem. Eorundem autem Prædecessorum vestigijs inhaerentes, Volumus quod fel. record. Pij Quinti xxij. Septembris Anno sexto, ac Gregorij Decimi tertij Prædecessorum nostrorum Literis sub Anulo Piscatoris xxv. Nouembris Anno nono, Pontificatuum suorum expeditis in suo robore, & efficacia permanentibus, præfentes Literæ non comprehendant, neque Ecclesias, neque Personas in his, quæ ad curam Animarum pertinent, in quibus decreta Concilij Tridentini huiusmodi omnino seruari debeant; Ac quod præsentium Literarum transcriptis, manû alicuius Notarij publici subscriptis, & sigillo Personæ in Dignitate Ecclesiastica constitutæ munitis, in iudicio, & extra illud vbique locorum plena, & indubitata, eademque prorsus fides adhibeatur, quæ ipsis presentibus adhiberetur, si forent exhibitæ, vel ostensa. Datum Romæ in Monte Quirinali sub Anulo Piscatoris Die xxvij. Iunii M. D. XCII. Pontificatus nostri Anno Primo.

**Locus & Anuli Piscatoris.**

*M. Vestinus Barbianus*

-R-O-L-

D. Gen-